



# Bese E E Kgolo E Mmala Wa Botala Ba Lehodimo

- ✎ Mecelin Kakoro
- 🌳 Mango Tree
- 💬 Tseliso Masolane
- 💬 Sesotho
- 📶 Level 2





Ho ne ho na le bese e le nngwe feela motseng wa boThato. E ne e le kgolo e le mmala wa botala ba lehodimo. E ne e le lerata haholo.



Ka letsatsi le leng, mme wa Thato a re,  
“Kamoso re ya toropong ho ya reka diaparo  
tsa hao tsa sekolo.”




Thato o ne a thabile haholo. Ba ne ba tlo tsamaya ka bese e kgolo ya mmala wa botala ba lehodimo. O ne a sa kgone ho rabala bosiu boo.



Thato o ne a se a itokisitse ha mmae a tlo mo tsosa.



Thato le mmae ba tsamaya ka maoto ho ya boemeleng ba bese. Ba ne ba emetse bese e e kgolo e mmala wa botala ba lehodimo. Empa bese ya se ka ya fihla.



Batho ba bang ba ile ba fihla boemelong ba bese. Ba ne ba ipelaetsa hobane bese e ne e sa fihla ka nako.



Thato o ne a tshwenyehile. “Ha re na kgona ho ya toropong. Ha ke na ho kgona ho ba le diaparo tse ntjha tsa sekolo,” a nahana.






Batho ba bang ba ne ba ikela hae. Empa  
Thato a Ila ebile a sa batle ho boela hae.



Hanghang, ba ile ba utlwa modumo.



Empa bese e ne e se e mmala o botala ba lehodimo. E ne e se kgolo. Bese e ne e le kgubedu ebile e le nyenyane. Batho ba ne ba sa e palame.



“Palamang! Palamang!” mokganni a hweletsa.  
“Re morao nakong kajeno,” a rialo.



Thato le mmae e ne e le bona ba pele ho palama bese. Kamora nakwana batho ba bang le bona ba palama bese e kgubedu e nyenyane.




Thato o ne a shebile ka fensetere. O ne a bona batho ba bangata boemelong ba bese.



Batho ba bangata ba ne ba matha ho tshwara bese. Empa ba ne ba le morao nakong. Bese e ne e tletse. Bese e kgubedu e ne e ya toropong.





“Bese e mmala wa botala ba lehodimo e kgolo e kae?” mme wa Thato a botsa.





Thato o ne a sa tshwenyeha ka mmala wa bese. O ne a sa tshwenyeha ka boholo ba bese. O ne a thabetse feela hore bese e ya toropong.



# Storybooks South Africa

[global-asp.github.io/storybooks-southafrica](https://global-asp.github.io/storybooks-southafrica)

## Bese E E Kgolo E Mmala Wa Botala Ba Lehodimo

Written by: Mecelin Kakoro

Illustrated by: Mango Tree

Translated by: Tseliso Masolane

This story originates from the African Storybook ([africanstorybook.org](https://africanstorybook.org)) and is brought to you by [Storybooks South Africa](https://global-asp.github.io/storybooks-southafrica) in an effort to provide children's stories in South Africa's many languages.



This work is licensed under a Creative Commons  
[Attribution 4.0 International License](https://creativecommons.org/licenses/by/4.0/).